



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დომბა



დომბა

დომბა (*Bison bonasus*), ძუძუმწოვარი ცხოველი ძროხისებრთა ოჯახისა.

ხარის სხეულის სიგრძე 3,5 მ, სიმაღლე მინდაოში 1,9 მ, მასა 700–1000 კგ აღწევს, ფური მომცროა. ყელსა და მკერდზე გრძელი ბალანი აქვს. სქესობრივად 3 წლის ასაკში მწიფდება. წელიწადში შობს 1 ხბოს.

იკვებება ბალახითა და ნეკერით. დ. ბინადრობს ჯოგებად. საქართველოში მისი ქვესახეობა – კავკასიური დ. – გავრცელებული იყო აფხაზეთისა და სამეგრელოს ტყეებიდან თერგის სათავეებამდე.

1927 ბზიფის ხეობაში მოკლეს უკანასკნელი დ. კავკ. ნაკრძალში გადარჩა ერთი სახარე ხბო, რ-იც შეაჯვარეს ბელოვეჟიური დ-ის ფურთან და მიიღეს კავკ.-ბელოვეჟიური დ. ; ჰიბრიდს კარგად აქვს გამოვლენილი ჰეტეროზისი, ზომით მშობლებზე დიდია და იძლევა ჯანსაღ შთამომავლობას. მათ გასამრავლებლად მსოფლიოს 28 ქვეყანაში შეიქმნა საშენები. დ-ების თავისუფლად გაშვებული ახ. ჯოგებია ბელოვეჟის ტევრში, კარპატებსა და კავკასიაში.

ა. არაბული
